





體雅卷二

肩項下兩旁也

說文曰肩膊也釋名曰肩堅也廣韻曰肩項下也

膊肩甲飯起骨肩後之骨成片掩背者也曲甲其在
在上屈者也

素問骨空論曰兩膊骨空在膊中之陽靈樞經
脈篇曰足太陽之脈其直者還出別下項循肩
膊內其文者從膊內左右別下貫膊舊託說文

東都丹波元胤紹翁纂釋



曰臑肩甲也。○素問藏氣法時論曰：心病者，膺背肩甲間痛。靈樞經脈篇曰：手太陽之脈出肩解，繞肩胛，甲乙經曰：肩貞在肩曲胛下，兩骨解間，曲垣在肩中央，曲陷者中。吳越春秋曰：專諸刺王僚，貫胛達背後。漢張宗傳曰：中牙貫胛，季賢註曰：胛，背上兩膊間。御覽載春秋元命苞曰：胛之為言附著也。如龍蟠虎伏，合附著也。釋名曰：甲，闔也。與胸脇相會闔也。亂按李說謬矣。扁鵲人鏡經曰：肩解下成并者為肩胛，一名膊。釋骨曰：肩後成片被肩垂背者曰肩，曰甲，曰肩臑，亦

曰臑，其在上屈折者曰肩曲，其近小臑骨者曰肩中央，曲甲。○虛實辨疑曰：腹痛牽引背飯匙骨下而痛，亂按飯匙骨即肩甲象形也。○素問集註曰：肩臂上兩板骨上側為肩貞。

臑肩端也。

素問氣穴論曰：臑骨之會各一。又水熱穴論曰：雲門、臑骨、委中、髓空，此八者以寫四支之熱也。靈樞經脈篇曰：手陽明之脈上肩，出臑骨之前。廣經筋篇曰：手陽明之筋上臑，結於臑。公羊傳註曰：自左臑射之，達於右臑。釋文引字林云：肩

前兩乳骨亂按說文曰髑肩前也蓋髑隅也肩
端之稱也唐書甄權傳作肩隅可證釋骨曰髑
骨之起者曰髑骨曰肩前髑恐拘髑或作髑見
鄭玄詩傳小雅車釋文曰髑本作髑郭音偶謂
肩前兩間骨

小髑骨髑上近髑微起骨也

甲乙經曰乘風在外肩小髑後釋書曰髑骨
之微起者曰小髑骨亂按據甲乙文當為胛骨
之上近于髑而微起者矣○洗冤錄曰肩髑之
前者橫髑骨亂按肩髑之前別與橫骨視曹恒

德所圖乃是髑骨也

兩叉骨小髑前岐骨也

甲乙經曰巨骨在肩端上行兩叉骨間陷者中
釋骨曰小髑骨之前岐出者曰肩端上行兩叉
骨

肩解髑後與髑相會陷解也

素問氣穴論曰肩解二穴次註曰謂肩井二穴
也在肩上陷解中缺盆上大骨前又氣府論曰
手太陽脈氣所發者肩解各一肩解下三寸各
一次註曰上謂乘風二穴也下謂天宗二穴也

靈樞經脈篇曰手太陽之脈出肩解統肩胛實
傑鍼經指南曰肩解背後縫亂按實說為安蓋
髑骨之後與胛相會而陷解處故謂之肩解醫
宗金鑑曰胛骨之臼含納膈骨上端其處名肩
解是也扁鵲人鏡經曰膻上兩角為肩解恐未
為得

巨骨鎖子骨胸橫骨肩上橫骨也

甲乙經曰輪府在巨骨下去璇璣傍各二寸氣
戶在巨骨下輪府兩傍各二寸雲門在巨骨下
氣戶兩傍各二寸釋骨曰白結喉下申寸至肩

端前橫而大者曰巨骨其半環中斷者曰缺盆
骨素問骨空論曰失枕在肩上橫骨間甲乙經
曰缺盆在肩上橫骨陷者中釋骨曰巨骨之在
肩者曰肩上橫骨亂按此與巨骨不異沈為在
肩者謬矣○竇傑瘡瘍全書曰瘰癧生于耳下
及項間下至缺盆在鎖子骨間隱隱皮膚之內
素問直解曰缺盆頸側兩開鎖骨缺陷如盆亂
按鎖子骨即巨骨○盧和丹溪纂要曰天突在
胸橫骨上端近咽宛宛中亂按此亦巨骨也○
洗冤錄曰橫髑骨之前者髑骨髑骨之中陷者

缺盆亂按髀骨亦指巨骨者然髀為股外非正義也

髀散肩端骨也

靈樞師傳篇曰髀骨有餘以候髀髀註證發微曰髀髀之骨端曰髀骨類經作髀骨云髀廣韻髀髀也髀髀即膝骨之名釋骨曰髀骨乃謂缺盆骨兩旁之端即肩端骨也蓋髀髀本蔽心之骨而缺盆即心藏之道髀髀之上為膺中陷骨缺盆骨之旁為肩端骨膺中陷骨之於缺盆骨髀髀之於肩端骨其長短皆各相應故必用肩

端骨候髀髀也然則髀骨之為肩端骨信矣舊說為髀髀之端與上文不貫且髀髀甚小不須更以端候至有以髀作髀而訓為膝骨者尤誤亂按玉篇曰髀骨端也素問長刺節論曰病在少腹有積刺皮髀以下補註髀當作髀皮髀謂臍下橫骨之端也據此則髀是骨端然經謂候髀髀者當以肩端骨為穩帖矣○玉篇曰散肩髀也扁鵲人鏡經曰肩胛際會處為三柱柱三柱之上兩旁之前為散亂按散髀一聲之轉散亦當肩端骨也

缺盆巨骨陷中也

素問氣府論曰足少陽脈氣所發者六十二穴
缺盆各一靈樞本輸篇曰缺盆之中任脈也名
曰天突又骨度篇曰結喉以下至缺盆中長四
寸缺盆以下至鬲髻長九寸史倉公傳曰疽發
乳上入缺盆死註索隱曰缺盆人乳旁上骨名
也素問集註曰結喉下兩旁巨骨陷中為缺盆
蓋形如缺盆因以為名

膏缺盆骨也

素問骨空論曰灸寒熱之法缺盆骨上切之堅

動如筋者灸之無寬錄曰血盆骨即缺盆骨也
乳上凹陷處骨也○廣雅曰缺盆膏也玉篇曰
膏余職切缺盆骨也集韻曰膏或作戩

胸肩前也

素問腹中論曰胸滿腹脹次註曰胸膈間也靈
樞骨度篇曰胸圍四尺五寸類經曰此無胸脇
而言也缺盆之下兩乳之間為胸胤按釋名曰
胸猶啞也啞氣所衝也玉篇曰胸膈也急就篇
註曰胸膈上也胸亦作匈史高祖紀曰傷匈乃
捫足又吳世家曰鉞交於匈亦作宵淮南精神

訓曰宵腹充而嗜慾省矣龍龕手鑑曰胸亦作
商當肖骨

肋幹條骨之環胸挾脊者凡二十四繫夫骨婦人
所長凡二條也

說文曰肋脇骨也釋名曰肋勒也檢勒五藏也
釋骨曰俠脊骨第一節至十二節環而前斜下
者二十四條皆曰肋婦人則二十八條胤按千
金方曰盲膏穴從胛骨上角莫索在胛骨下頭
其間當有四肋三間是肋從背後而言者沈說
可證蓋條骨之聯比絳屈而自胸挾脊者謂之

肋不限以脇骨也又扁鵲人鏡經曰脇骨下為
肋沈承之經絡全書駁之曰肋脇之骨脇總而
肋分也舊云無骨曰肋者大誤已此說頗是然
未知其為總稱矣○公羊傳註元曰擗幹而殺
之釋文云幹音古旦反脇也廣韻幹謂之肋○
類經曰胸前橫骨三條左右肋骨各十二條八
長四短女人多繫夫骨二條左右各十四條也
此骨缺盆外骨肋之第一條伏于肩下也
素問氣府論曰足陽明脈氣所發者缺盆外骨
空各一次註曰謂天膠二穴也在肩缺盆中上

伏骨之兩陷者中甲乙經伏骨作竅骨釋骨曰
缺盆外伏頸旁壅肉下者曰竅骨曰缺盆外骨
其骨即肋骨之第一條也胤按竅伏古通顏之
推家訓稱慮之與伏古來通字可以證矣

膺胸旁高起肉也

素問腹中論曰有膺腫頸痛次註曰膺胸前也
靈樞本輪篇曰足陽明其輸在膺中又經筋篇
曰足少陽之筋其直者走腋前廉繫於膺乳禮
少儀曰執箕膺揭釋文曰膺胸前也釋名曰膺
壅也氣所壅塞也扁鵲人鏡經曰胸兩傍高起

處為膺胤按說文曰膺胸也為訛史趙世家曰
大膺大胸修下而馮可見胸膺不同針經指南
曰上為膺下曰胸不知何據膺別作膺玉篇曰
膺肖也

膺中骨肋之抱胸相直者凡七條也

素問氣府論曰足陽明脈氣所發者膺中骨間
各一次註曰謂膺窓等六穴也又曰任脈之氣
所發者膺中骨陷中各一次註曰謂璇璣等六
穴也釋骨曰肋之抱骨過乳而兩端相直者曰
膺中骨七蓋穴在骨下間穴有六則膺中骨當

類篇曰臆也
力反胸骨也
或作臆
今檢集韻昔
麥陌韻無此
語不知收于何
韻伏問

七矣蓋乳上五乳下二也

臆 臆胸堂甲骨胸厭骨膺中陷骨也

漢書朱邑傳曰匈臆約結又賈誼傳鵬鳥賦曰
請對以意文選意作臆說文曰肫胸骨也或从
意作臆釋名曰臆猶抑也抑氣所塞也扁鵲人
鏡經曰心蔽骨一名臆臆上為胸六書故曰臆
心岐骨也胤按釋名似以臆為胸之正中甲乙
經曰鳩尾在臆前蔽骨下五分是臆與鳩尾自
異集韻曰臆亦作臆臆韻廣雅曰肫臆匈也註
臆音憶○肘後方曰脚氣灸臆中五十壯在胸

前兩邊對乳匈厭骨解間指按覺氣翁翁爾是
也○千金方曰小兒腹滿短氣轉鳴灸胸堂又
曰胸堂羊屎主癭灸一百壯無寬錄曰胸膛即
胸之正中也○玉篇曰臆匈也正字通曰臆即
胸前會合處猶衣之有縫胤按肋之胞胸兩端
相直中間有一條脆骨是即胸骨也○素問骨
空論曰灸寒熱之法膺中陷骨間灸之次註曰
天突穴也釋骨曰當膺骨兩端中陷下者曰膺
中陷骨○千金方曰失欠頰車蹉灸氣衝二百
壯胸前喉下甲骨中是亦名氣堂千金翼甲骨

作寅骨胤按甲骨亦臆骨而其穴恐是膻中蓋
膻中為氣之海故曰氣衝又名氣堂者乎
下胸胸之下二肋也

靈樞癩狂篇曰厥逆腹脹滿腸鳴胸滿不得息
取之下胸二脅效而動手者與背胸以手按之
立快者是也又雜病篇曰氣逆上刺膺中陷者
與下胸動脈類經曰下胸二脅謂胃之下左右
二脅之間也蓋足厥陰之章門期門令病人效
其脈動而應手者是其穴也胤按甲乙經二脅
作三肋間似是

骹岐骨下肋之相交會也

靈樞本藏篇曰廣胸反骹者肝高合脇兔骹者
肝下類經曰脛骨近足之細處曰骹今詳此反
骹兔骹以候肝似以脇下之骨為骹也集註曰
骹者胸脇交分之扁骨內膈前連於胸之鳩尾
旁連於脇後連於脊之十一椎釋骨曰凡骨骨
之端通曰骨支亦曰支骨支端之相交者曰骹
張景岳以骨下之骨為骹下字誤胤按士聰說
是蓋兩骨交分之處總謂之骹詳見于兩脇支
二字徧檢諸書未見所載因查內經有骨支痛

類篇曰肸下
簡切脛中世文
候肝切骸也

及支膈支肱等語然非骨骸之名乃柱坊之謂
見于六元正義本不同再按素問五藏生成篇
紀大論次註腹滿膜脹支肱肱集註曰支支絡陽明之支
絡貫膈也直解曰支肱心下膈也支肱左右脇
肋也二氏乃為之備者也○甲乙經曰鳩尾蓋
心上人無蔽骨者當從上岐骨度下行一寸半
胤按薛已十四經發揮註曰肸即岐骨也此
解失之蓋岐骨骸也

肸
肸鳩尾心厭蔽骨心骨巨骨心脾骨心岐骨胸
當心之垂骨也

類篇曰肸許
葛切肸胸
前骨

靈樞骨度篇曰缺盆以下至肸長九寸過則
肺大不滿則肺小肸以下至天樞長八寸過
則胃大不及則胃小廣韻曰肸胸骨也釋骨
曰膺中陷骨下蔽心曰肸曰心蔽骨曰鳩尾
曰臆前蔽骨胤按廣雅曰肸缺盆也玉篇
曰肸肩骨又缺盆骨也誤甚素問集註曰肸
音歇肸音幹此亦誤矣肸之肸音羽俱切而
从干音幹即脛骨也肸或作肸肝淮南精神
訓曰病偃樓脊管高于頂肸下迫頭高誘註云
肸肝胸骨也肸讀為歇○素問氣府論曰足陽

明脈氣所發者俠鳩尾之外當乳下三寸俠胃
腕各五又任脈之氣所發者鳩尾三寸胃腕靈
樞經脈篇曰任脈之別名○尾翳下於鳩尾散
腹次註曰鳩尾心前穴名也其正當心蔽骨之
端言其骨垂下如鳩鳥尾形故以為名也肘後
方曰治霍亂神秘起死灸法以物橫度病人人
中屈之從心鳩尾飛度以下先灸中央更橫灸
左右也千金方曰心頭骨名鳩尾外臺載崔知
悌灸骨蒸法曰鳩尾是心岐骨○甲乙經曰中
腕在上腕下一寸居心蔽骨與臍之中鳩尾在

臆前蔽骨下五分上腕去蔽骨三寸明堂灸經
曰鳩尾在句蔽骨下五分陷者中○肘後方曰
霍亂先腹痛者灸臍上十四壯名大倉在心厭
下四寸又曰下痢不止上氣灸五十壯名巨闕
正心厭尖頭一寸是也外臺載千金方曰吐下
不禁灸心厭骨下三寸亂按厭蔽義同○千金
翼曰取繩從心骨鳩尾頭少度至臍孔中屈之
取半當繩頭名胃管○資生經曰銅人經云巨
骨二穴在肩端上兩叉骨間明堂下經亦同但
明堂上經云巨骨一穴在心脾骨頭不特一穴

字不同而穴在心脾骨頭亦異豈其所謂一穴
在心脾骨者非巨骨耶不然是誤寫二字作一
字肩胛為心脾也胤按巨骨心脾骨亦髑髏別
名明堂上經曰鳩尾一穴在臆前巨骨下五分
是巨骨即蔽骨下經所謂亦是也故云一穴耳
蓋巨骨有二一在肩端一在臆前王叔權未考
及之直為誤寫可謂疎矣毅叔君亦嘗稱之

腹

素問金匱真言論曰言人身之陽陰則背為陽
腹為陰易說卦曰坤為腹釋名曰腹複也富也

腸胃之屬以自裏盛復於外複之其中多似富
者也

臍

臍天樞時映又身之中閔也

說文曰臍臍臍也又曰臍人臍也从白白取氣
通也太平御覽引春秋元命苞曰臍劑也臍者
下流並會合為臍腹宋均註云臍者中也四方
並湊者也釋名曰臍劑也臍端之所限劑也臍
經曰臍為中閔頭為天足為地胤按臍古通作
齊素問腹中論曰居齊上為逆居齊下為從莊
子人間世曰支離疏者頤隱於齊臍亦作臍急

就篇註曰脰臍即齶齊也一作肥黎民壽簡易
方曰臍者齊也根原本始生成之處冲和疑結
之氣通而稟受生焉有生不生不窮之義及其形
質已具分誕有期則如匏瓜桃杏臍乾而蒂脫
矣是以號為神闕前當腸胃後直腎俞為天地
中分黃庭云兩部水玉對生門又云後有密戶
前生門生門者臍也嬰兒在母腹中取氣於臍
管母呼亦呼母吸亦吸正與密戶相對所謂臍
者如此○靈樞九針十二原篇曰育之原出於
腠映玉篇曰腠映臍也胤按註證發微曰腠映

一名下氣海一名下育臍下半寸宛宛中男子
生氣之海此摠甲乙為穴名誤○靈樞骨度篇
曰鬲髀以下至天樞長八寸過則胃大不及則
胃小天樞以下至橫骨長六寸半素問六微旨
大論曰天樞之上天氣主之天樞之下地氣主
之胤按天樞亦臍也

大腹臍上也

素問藏氣法時論曰腎病虛則胸中痛大腹小
腹痛胤按臍下為小腹則大腹似言臍上易說
卦曰離其於人也為大腹集解象曰常滿如妊

身婦故為大腹與此不同

小腹水腹腴臍下也

素問五藏生成篇曰黑脈之至也上堅而大有積氣在小腹與陰靈樞邪氣藏府病形篇曰心脈微滑為小腹痛肝脈微大為欬引小腹素問脈要精微論曰心疝少腹當有形次註曰少腹小腸也又骨空論曰眇絡季脇引少腹而痛刺譏謔次註曰少腹齊一也又氣交變大論曰歲金大過民病脇下少腹痛次註曰少腹謂臍下兩傍膠骨內也釋名曰自臍以下曰水腹水洿

所聚也又曰少腹少小也比於臍以上為小也胤按葛雍傷寒直格曰臍上為腹下為小腹小腹兩旁謂之少腹凡下皆作小腹也此說鑿甚○靈樞衛氣失常篇曰膏者多氣而皮縱緩故能縱腹垂腴類經曰腴脂肥也集註曰腴者臍下之少腹也胤按說文曰腴腹下肥也禮少儀曰羞濡魚者冬右腴註云腴腹下也則士聰說為允

膀小腹兩邊也

楊玄操難經曰今人多以兩脇下及小腹兩邊

類篇曰髌骨
光切骨也

為髌肱深為謬亂按髌字說文解為兩脇其為
小腹兩邊未見所據考諸病源候論曰小兒丹
發於髌骨青黑色謂之伊火丹又發兩脇及腋
下髌上謂之殃火丹又發兩髌裏尻間正赤流
陰頭赤腫血出謂之天竈火丹是髌字並為小
腹兩旁之義从骨為異耳揚註髌肱之肱恐衍
橫骨曲骨屈骨股際骨陰毛骨橫門骨骨之橫兩
股間也交骨羞秘骨稱之婦人也

素問氣府論曰任脈之氣所發者胃脘以下至
橫骨六寸半靈樞骨度篇曰天樞以下至橫骨

長六寸半過則迴腸廣長不滿則狹短橫骨長
六寸半類經曰橫骨陰毛中曲骨也釋骨曰髌
髌直下橫兩股間者曰橫骨曰股際骨其中央
兩垂而壓陰器者曰曲骨胤按甲乙經曰曲骨
在橫骨上中極下一寸毛際陷者中蓋橫骨其
狀宛曲而以穴在其端者亦名曲骨猶穴名完
骨之際也凡穴與骨同名者率若此矣○素問
骨空論曰股際骨空在毛中動下吳註曰股際
骨前陰曲骨也○甲乙經曰會陽在陰毛骨兩
傍胤按是亦橫骨○千金方曰失精五藏虛竭

鼠僕羊矢橫骨之旁小肉塊也

灸屈骨端五十壯陰上橫骨中央宛曲如却月中
央是也○又曰橫骨在腰下橫門骨是也○孫
對微丹臺玉案曰婦人小腹之下陰戶之上有
骨高處中有節節相湊未產則合一臨產則分
開謂之交骨此造化之功為男女生育之大關
隘也 洗冤錄曰婦人隱處其骨為羞祕骨
素問刺禁論曰刺氣街中脈血不出為腫鼠僕
註證發微曰僕當作鼯言內結為腫在鼠鼯之
中也胤按甲乙經曰氣衝在歸來下鼠鼯上一

寸是馬所據然僕鼯相通與鼯義同說文曰鼯
小鼠也玉篇曰鼯鼠名蓋鼠僕股際兩旁有小
塊伏皮中如小鼠者是也僕或作膜諸病源候
論曰附骨疽喜著鼠膜骷頭腔膝間又曰偏病
喜從鼠膜起至踝赤如編繩證類里字本草馬
刀除肌中鼠鼯是自血脈止結所生○甲乙經
曰陰廉在羊矢下去氣衝二寸動脈中胤按羊
矢疑是鼠僕說文曰膈臂羊矢也臂頭亦有小
肉塊伏皮中按之移動者豈以此歟矣屎同象
形也

陰肱宗筋之所終也股赤子陰也

素問厥論曰前陰者宗筋之所聚太陰陽明之所合也靈樞五味論曰陰者積筋之所終也釋名曰陰蔭也言所在蔭翳也○靈樞刺節真邪篇曰莖垂者身中之機陰精之候津液之道也又邪客篇曰辰有十二人有足十指莖垂以應之類經曰莖垂者前陰宗筋也經絡全書曰陰囊者莖之垂也胤按沉承之說是○玉篇曰肱人陰異呼○老子曰未知牝牡之合而峻作釋文云峻一作股赤子陰也

囊陰器也

素問熱論曰厥陰脈循陰器而絡於肝故煩滿而囊縮次註曰凡虛中而受物者皆謂之器其於體外則謂陰囊其於身中所司則謂膀胱矣
臬卯陰核囊中之兩核也

素問至真要大論曰太陽在泉少腹控臬次註曰臬九陰也又診要經終論註曰足厥陰絡循脛上臬結於莖甲乙經臬作臬胤按臬即臬字山海經曰侖者之山有木焉名曰白蓉註云或作臬蘇楊震補註云臬古臬字荀子有臬芷之

文舉皋蘇也○素問骨空論曰腰痛不可以轉
搖急引陰卵二十四難曰足厥陰氣絕即筋縮
引卵與舌千金方曰熱陽核卵上灸之亂按卵
即舉丸也○金匱要略曰蓼和人魚食之令人
奪氣陰核疼痛

玉門陰戶女子陰也

脈經曰帶下有三門一曰胞門二曰龍門三曰
玉門已產屬胞門未產屬龍門未嫁女屬玉門
亂按病源候論白腎為胞門子戶又曰腎為陰
主開閉左為胞門右為子戶據此則龍門產門

也玉門陰戶也折骨分經曰陰戶即陰門之口
也

竅漏陰內也

詳釋于下

廷孔龍門產門也

素問骨空論曰督脈者起於少腹以下骨中央
女子入繫廷孔其孔溺孔之端也次註曰繫廷
孔者謂竅漏近所謂前陰穴也以其陰廷繫屬
於中故名之其孔者則竅漏也竅漏之中其上
有漏孔焉端謂陰廷在此溺孔之上端也吳註

曰廷孔陰廷之孔也類經曰廷正也直也廷孔言正中之直孔即溺孔也集註曰廷孔陰戶也溺孔之端陰內之產門也胤按先子曰廷挺同產門挺出故曰廷孔志註為得張訓正也直也以為溺孔也誤王註三字速讀以端為上端產戶在溺孔之下並欠妥而所謂竅漏指陰內也○龍門出脈經詳釋于前

腋肩之裏也

靈樞骨度篇曰腋以下至季脇長一尺六寸扁鵲人鏡經曰脇上際為腋銅人經註曰腋謂肩

之裏也釋名曰腋繹也言可張翕尋繹也胤按腋古作亦掖說文曰亦人之臂亦也从大象兩亦之形徐鉉等曰今別作腋非是素問氣府論曰掖下三寸脇下至肱八間各一漢書司馬相如傳曰洞胸達掖○靈樞九宮八風篇曰風從東北方來名曰凶風其傷人也內舍於大腸外在於兩脇腋骨及肢節胤按腋骨肋之在腋下者也

曲腋支腋腋之曲彎也

素問氣府論曰手太陽脈氣所發者曲掖上骨

空各一直解曰肩端尖骨從後下陷是為曲掖
甲乙經曰天泉在曲掖下夫臂二寸○靈樞邪
氣藏府病形篇曰肺脈微瀦為鼠瘻在頸支腋
之間無寃錄曰臑腋在臂脇之間瀦按臑支通
支者支分之義即曲掖謂肘腋曲膊之處也

脇膀胸左右也

素問氣府論曰足少陽脈氣所發者六十二掖
下三寸脇下至肱八間各一又至真要大論曰
腋陰在臑兩脅裏急次註曰脅謂兩乳之下及
肱外也說文曰脅兩膀也膀脅也釋名曰脅挾

也兩臂所挾也玉篇曰脅身左右腋下釋骨白
肱及膺中骨之在乳下者通曰脅瀦按急就篇
註曰脇肋旁也誤甚

掖

甲乙經曰天池在乳後一寸腋下三寸著脇直
掖掖肋間外臺載張文仲灸骨蒸法曰覆病兒
面向下著地取掖肋頭以病兒夫拇指自捻著
脊中指直向脊骨銅人經曰肝膈治掖胸與脊
相引而反折釋骨曰脅骨之短而在下者曰掖
肋三瀦按據甲乙經乳後一寸腋下三寸之文

沉說殆為支離而改擻作擻妄亦甚矣竊疑擻當作屈蓋肋骨伸屈之處當于乳後腋下故云天池在擻肋間外臺所指者季肋端也季肋亦為宛屈而千金翼稱天池穴擻字作掘及屈又治癩癬法曰患左灸左患右灸右第一屈肋頭近穿二肋下即是灸處千金方曰錢孔穴度乳至臍中擻肋頭骨翼方擻亦作屈可以證矣是屈舊訛掘而以掘與擻通再轉作擻者逸周書曰原有蚤而不敢以擻乃擻古與掘通也

季脇季肋軟肋小肋脇下盡處之肋也

素問長刺節論曰病在少腹有積刺兩髀髀季脇肋間又脈要精微論曰尺內兩傍則季脇也又骨空論曰眇絡季脇引少腹而痛靈樞經脈篇曰足少陽之脈其直者循胷過季脇又骨度篇曰腋以下至季脇長一尺二寸類經曰脇下盡處短小之肋是為季脇季小也二十八難曰帶脈者起於季脇迴身一周集註楊玄操曰季脇在肋下下接於髓骨之間是也又四十五難曰藏會季脇集註丁德用曰季脇軟肋之名也銅人經註曰脅骨為肋肋盡處曰季脇○脈經

曰帶脈者起於季肋廻身一周甲乙經曰京門
在監骨下腰中挾脊季肋下一寸八分釋骨曰
擗肋之最短挾脊者曰季肋擗肋之第三條曰
季肋亂按沉解不知何據季肋即季肋之肋是
也○肘後方曰中風不識人者灸季肋頭各七
壯此脇小肋屈頭

肱脇旁連背處也

素問五藏生成論曰腹滿腹脹支鬲肱脇次註
曰肱謂脇上也又玉機真藏論曰春脈不及則
令人胃痛引背下則兩脇肱滿次註曰肱謂腋

下脇也說文曰肱亦下也釋骨曰在腋下而後
乳三寸者曰肱肱骨五左曰左肱右曰右肱胤
按素問氣府論曰足少陽脈氣所發者腋下三
寸脇下至肱八間各一次註曰八間者腋下三
寸至季肋凡八肋骨據此則肱非脇上而與脇
自異內經知要曰肱脇之下似是又刺瘡論曰
瘡脈滿大急刺背俞用中鍼傍五肱俞各一直
解曰肱脇旁連背處也五藏之俞在背兩行兩
行之外復有兩行所謂肱也

眇脇下空較處也

素問玉機真藏論曰春脈不及令人心懸如病
飢眇中清汝註曰眇者季脅之下挾脊兩傍空
軟處也又刺腰痛論曰腰痛引少腹控眇不可
以仰汝註曰眇謂季脇下之空軟處也類經曰
眇脇骨之眇當兩腎之處直解曰眇脇骨之末
肋稍處也眇眇同音渺亂按禮三年問曰帶下
毋厭髀上毋厭脅當無骨者是即眇也通雅曰
眇字當音渺

脊身後也脊梁脊骨也

素問骨空論曰脊骨上空在風府上脊骨下空

在尻骨下空太平御覽引春秋元命苞曰陽立
於三故人脊三寸而結采均註云結節結也釋
名曰脊積也積績骨節終上下也胤按自項至
尻中行一條通謂之脊折而言之第十四椎上
為背背下為腰腰下為尻正中為脊千金翼曰
脾俞俠脊梁一寸半又千金方曰渴小便數灸
當脊梁中央解間一處

推脊骨之節也

素問繆刺論曰邪客於足太陽之絡刺之從項
始數脊推俠脊疾按之應手如痛刺之傍三指

立已又氣府論曰督脈氣所發者二十八穴至
胝下凡二十一節脊推法也又刺熱論曰熱病
氣穴三椎主胸中熱次註曰脊節之謂推推別
作顛髓靈樞經別篇曰足少陰之正上至腎當
十四顛玉篇曰顛脊上高骨也胤按靈樞背膂
篇推訛作焦類經曰焦即椎之義指脊骨之節
間也古謂之焦亦謂之顛後世作椎可謂臆斷
矣

脊大椎杼骨脊骨第一推也

素問血氣形志篇曰欲知背膂先度其兩乳間
中折之更以他草度去半已即以兩隅相拄也
乃舉以度其背令其一隅居上齊脊大椎兩隅
在下外臺引崔知悌曰大椎平肩斜齊高大者
註證發微曰今人多灸大椎但是項骨高起者見
其高而大誤以為大椎而取之素問直解曰項
上高起第一推為大椎胤按定大椎法使人右
左搖頭而按其項骨動者為項大椎其下不動
者曰脊大椎○靈樞背膂篇曰胸中大膂在杼
骨之端釋骨曰脊第一節曰脊大椎形如杼故
亦曰杼骨胤按周禮考工記曰大圭長三尺杼

上終葵首註云終葵椎也杼耜也釋文云荆殺字之異者

乃推之與杼其義相類

脊脊之中行也
素問瘧論曰邪氣容於風府循脊而下又骨空論曰督脈者挾脊抵腰中入循脊絡腎靈樞經筋篇曰足少陰之筋循脊內挾脊上至項骨又骨度篇曰脊骨以下至尾骶二十二節長三尺上節長一寸四分分之一奇分在下故上七節至脊骨九寸八分分之七此衆人骨之度也說文曰呂脊骨也象形又曰脊篆文呂从肉从旅

呂亦作昭素問氣穴論曰熱俞五十九穴中昭兩傍各五凡十穴靈樞標本病傳論曰脾痛三日背昭筋痛亦通作旅詩小雅北山詩曰旅力方剛又大雅桑柔詩曰靡有旅力集註曰旅脊同亂按據經文脊似謂脊之中行而古人所說歧疑不一急就篇註曰脊夾脊內肉也呂脊骨也扁鵲人鏡經曰脊肉為膃膃兩傍為脊素問次註曰脊謂脊兩傍註証發微曰昭脊也釋骨曰脊骨之上七節曰背骨第八節曰脊骨骨度篇曰脊骨以下至尻骶此篇文體凡骨名相承

說者下皆同上知脊本背字傳寫致誤篇內又
云上七節至于脊骨則上七節皆背骨而脊骨
自八節以下明矣又說文訓呂為脊骨訓背為
脊而訓脊則魚背呂亦一脊而分上背下呂之
證又按氣穴論註云中脛兩傍謂起肺膈至腎
膈肺膈在第三椎下兩傍腎膈在第十四椎下
兩傍是中脛云者謂第三椎至十四椎為脛之
中也又此以背骨五節通稱為脛也考沉說頗
為矛盾是未詳其為脊之中行也靈樞九宮八
篇曰風從北方來名曰大剛風其傷人也內舍

於腎外在於骨與肩背之脊筋也又百病始生
篇曰虛邪之中人也著於脊筋在膈後者饑則
積見是脊筋筋之挾脊者腰至肩背通而稱之
則上脊下呂之說其謬可知又中脛之中即中
行之義而別有中脊穴靈樞刺節真邪篇曰刺
中脊以去其熱甲乙經曰中脊俞在第二十椎
下兩傍此以三椎至第十四椎為脛之中者亦
為牽解

腫肌膈的俠脊肉也

素問刺腰痛論曰腰痛引少腹控眇不可以仰

刺腰尻交者兩髀脾上次註曰俠脊兩傍腰髀
之下各有脾肉隴起說文曰脾夾脊肉也○靈
樞二十五人篇曰火形之人廣胛兌面小頭玉
篇曰胛脊肉也易艮九三曰艮其限列其夤厲
薰心王弼註云夤當中脊之肉也釋文曰馬融
云夾脊肉也鄭玄作膞○易咸九五曰咸其脢
无悔王弼註曰脢者心之上口之下釋文曰鄭
玄云脢背脊肉也正義曰脢在背而挾脊說文
曰脢脊肉也廣雅曰脾謂之脢禮內則曰擣珍
取牛羊麋鹿膾之內必脢註云脢脊側肉也玉

類篇曰骸護極
切背肉也

篇曰脢同脢集韻曰脢或作骸史記倉公傳正
義曰顧野王云脢當寅肉也揚玄操二十三難
註曰督脈起於脊膂史正義引作起於脢胤按
脢又與脢通○廣韻曰朐謂之脾胤按夤同
與脾一聲之轉並夾脊肉也扁鵲人鏡經曰脊
肉為膞膞兩傍為脊脊肉為脾一名脢岐誤特
甚

背脊之上部也

素問脈要精微論曰背者胸中之府又金匱真
言論曰言人身之陰陽則背為陽腹為陰靈樞

骨度篇曰項髮以下至背骨長二寸半說文曰背脊也从肉北聲釋名曰背倍也在後稱也胤按背為脊之上部前對子胸故稱胸中之府其體剛堅而位乎上故為陽靈樞背胸篇黃帝問於岐伯願聞五藏之輸出於背者岐伯答以胸中大輸止于腎膈而知十四椎以上至項骨謂之背矣釋骨曰脊骨之上七節曰背骨非也

腰人身之中閔也

素問脈要精微論曰腰者腎之府靈樞刺節真邪論曰腰脊者身中之大關節也又經水篇曰

腰以上為天腰以下為地又骨度篇曰腰圍四尺三寸御覽引春秋元命苞曰腰而以上者為天尊高陽之狀腰而下者為陰豐厚地之重數合於四故腰圍四尺說文曰要身中也象人要自臼之形繫傳曰要猶要也腰為中閔所以自臼持也釋名曰腰約也在體之中約結而小也高骨大骨韞腰骨也

素問生氣通天論曰腎氣乃傷高骨乃壞次註曰腰高之骨也釋骨曰第十三節至第十六節曰高骨曰大骨蓋高骨通謂腰間脊骨之高者

也又云味過于鹹大骨氣勞註云鹹歸腎也按
腰為腎府此大骨當在腰間即諸高骨也說者
專指命門穴上一節為高骨大骨未盡亂按註
證發微曰高骨腰間命門穴上有骨高起者寸
餘大骨是也此沉所取也素問玉機真藏論所
謂大骨枯槁大肉陷下及靈樞邪客篇謂地有
山石人有高骨非止腰間骨也

髀 監骨腰傍大骨也

素問長刺節論曰病在少腹有積在兩髀髀季
脇肋間次註曰髀為腰骨髀謂居髀腰側穴也

據上下例有司
微士相見下恐
當有禮字
王義之帖足下
問吾散髀痛
俛仰欲不得此
何理耳

集韻禡韻收
髀阿韻云字
云丘駕切要月
骨也或作髀
又百韻髀字不
云說文禽獸之
骨曰髀又髀字
下云牲後脛骨

楊雄解嘲曰折脅搨骸季善文選註引埤蒼云
髀腰骨也儀禮少牢饋食禮曰司馬升羊肩臂
臑膊髀正脊一註云膊髀股骨也又有司微曰
羊髀一註云古文髀作髀又士相見曰介俎脊
脅髀肺又士喪禮曰特豚四髀去蹄兩髀脊肺
註云髀脅也東方朔神異經曰西方荒中有人
面目手足皆人形而髀下有翼不能飛說文曰
髀亦下也玉篇曰髀腰骨也髀髀同又曰髀髀
腰骨也集韻曰髀亦作髀龍龕手鑑曰髀肘
後腋下也髀正作髀腰骨也○甲乙經曰京門

類篇曰韞為浩切骨

韞 硯骨 髓下陷骨也

在監骨下腰中挾脊季肋下一寸八分釋骨曰
兩髀旁臨兩股者曰監骨曰大骨曰髓一身之
屈伸司焉故通曰機關胤按髓髓髓髓髓並同即
監骨也其骨挾腰在於直腋季肋之下故古人
曰脊曰亦下而鄭康成一為股脛者非也扁鵲
人鏡經曰尻上橫者為腰監骨監骨上為腰骨
一名韞韞上為髓此說謬甚韞字見玉篇曰腰
骨也○玉篇曰髓髓髓上骨胤按髓上無骨不
知何所指

素問骨空論曰俠髓為機直解曰髓腎上兩傍
側骨也胤按機髀骨之入樞者在于腎上兩傍
其所俠為髓髓則腎上側骨與髓本是一大骨
腰傍俠脊平立陷者中按之有骨機關處動者
是也漢書賈誼傳曰至髓髀之所非斤則斧說
文曰髓脾上也釋名曰髓緩也其腋皮厚而緩
也廣雅曰髓尻也肱也肢骨也从寬誤正字通
曰髓髀骨也股外曰髓髓下曰髀股上漸廣故
從寬以上說諸俱不可從矣○千金翼曰環跳
在髀樞中外硯骨陷中明堂經又曰環跳二穴

在硯子骨宛宛中亂按髓骨之內內陷若硯故名硯骨故

髌 髓之內陷納髌也

素問繆刺論曰邪客於是少陽之絡令人留於
髌中痛髌不可舉次註曰髌謂髌髌也靈樞骨
度篇曰季脇以下至髌髌長六寸釋名曰髌機
也膏髌股動搖如髌機也釋骨曰闕之旁曰髌
髌亦曰髌機者髌之入髌者也考枯骨象髌髌
在闕旁納機不在機端而說者名髌骨為髌髌
骨又以為在捷骨下誤甚亂按沈所斥原見聖

濟總錄曰捷骨按捷是捷訛之下為髌髌骨又類經
曰足股謂髌髌外側骨縫曰髌此運動之機是
也

髌 髓上之內凹也

素問氣穴論曰兩髌厭分中各二穴靈樞經脈
篇曰足少陽之脈橫入髌厭中類經曰髌厭謂
髌髌骨分縫中集註曰兩腿硯子骨分界之處
環跳穴也扁鵲人鏡經曰機前為髌厭一名髌
髌亂按厭與面上厭輔之厭同謂腰之兩側平
立肉陷處也膝外陷處謂之骸厭亦此義矣諸

家說得並誤而針經指南曰膝下腿上節處是也誤

腰髀腰下俠脊稜起之骨也

素問長刺節論曰病在少腹腹痛不得大小便病名曰疝利腰髀骨間又刺腰痛論曰腰痛引少腹控眇不可仰刺腰尻交者兩髀脾上次註曰腰髀骨者腰傍俠脊平立陷者中按之有骨處也類經曰凡腰中在後在側之成片大骨皆曰髀骨釋骨曰骸之上俠脊十七節至二十節起骨曰腰髀骨曰兩髀是也胤按說文曰髀髀

類篇曰髀苦果切髀骨又苦瓦切髀骨

骨也誤十四經發揮註曰腰髀即腰監骨人脊椎骨有二十一節自十六椎節而下為腰監骨挾脊附著之處其十七至二十九四椎為腰監骨所揜附而八竅穴則挾脊第一二空云云也是雖誤以監骨為髀骨其說則實為得蓋自十六椎下至尾骸有一片大骨掩之首大下殺象似龜背俠脊兩傍稜起者髀骨也其下左右各有四骨空者八髀骨也

八髀骨兩髀之下各有四骨空也

素問骨空論曰八髀在腰尻分間次註曰八或

類篇曰膠離
昭切尻骨謂之
膠

作九驗真骨反中誥孔穴經正有八膠無九膠也又刺腰痛論註曰髀下尻骨兩旁四骨空左右八空俗呼此骨曰八膠骨也蓋俠脊兩傍腰髀之下各有腠肉隴起而斜趣於髀骨之後內承其髀即左右兩腠各有四骨空故曰上膠次膠中膠中膠上膠當髀骨下陷者中餘三膠少斜下按之陷中是也胤按甲乙經膠字作窳說文曰窳窳也六書故曰人要有八窳各以其空次第推之左右共八窳窳空窳也而膠字字書不載孔義唯玉篇曰膠髀也蓋古經以音相通

者也扁鵲人鏡經曰扁骨之內陽四十二膠陰曰八膠今檢真骨亦無十二膠其說實為杜撰千金方曰泄痢久下失氣勞冷灸下腰百壯三報穴在八魁正中央脊骨上灸數多尤佳三宗骨是忌鍼胤按魁一作膠則三宗骨是八膠中間自下數之第三節也

尻腰下也

說文曰尻腓也釋名曰尻瘳也尻所在瘳中深也胤按據刺腰痛論刺腰尻交者及靈樞經別篇足太陽之正下尻五寸別入於肚則腰下通

謂之尻類經曰尾骶骨曰尻恐不是矣呂覽觀
表篇曰古之善相馬者許鄙相脫註脫後竅也
脫字讀如窮穹之穹畢沅曰脫乃尻之俗體

脾臀肫尻旁大肉也

素問脈解篇曰腔腰肫痛又五常政大論曰太
陰司天腰肫痛次註曰肫謂臀肉也漢書東方
朔傳曰結股脚連肫尻註顏師古云肫臀也○
易始九三曰臀無膚其行超超厲无咎又困初
六曰臀困於株木說文曰尻髀也从尸下丿居
几徐鉉云丿几皆所以尻止也又曰尻或从肉

隼作睥或从骨殿聲作臀釋名曰臀殿也高厚
有殿還也高鵠人鏡經曰髓骨兩傍為機機後
為臀胤按類經曰尻旁大肉曰臀又曰臀者尾
骶骨旁會陽之分也此說最確○玉篇曰肫臀
也脰臀也胤按廣雅曰肫曲脚也恐訛○廣韻
曰朕臀之別名也○字海曰腔音窟臀也
骶骶髓體尻骨窮骨頷尾尾底尾屈尾閭尾
翠骨尾株骨脊窮骨也

素問骨空論曰脊骨下空在尻骨下空又曰尻
骨空在髀骨之後相去四寸類經曰尾骶骨曰

類篇曰骹典
禮切臂也又下
計切博雅背
謂之骹

尻骨釋骨曰脊骨末節曰尻骨曰骹錢乙小兒
直訣曰瘡疹始出之時五藏證見惟腎無候但尾
平證且骹冷也骹宗立註云玉篇骹音委曲骨也又
按楊氏作耳尻冷也尻若刀切乃尾骹也胤按玉
篇曰骹骨也恐亦尻字从骨者矣○素問刺熱論
曰七椎下間立腎熱榮在骹也次註曰脊窮之謂
骹又瘧論曰二十五日下在骹骨靈樞癩狂篇曰
窮骨者骹骨也又曰狂而新發灸骨骹二十壯又
骨皮篇曰脊骨以下至尾骹二十一節長三尺甲
乙經曰長強在脊骹端胤按骹又作脰素問氣

府論曰至脰下凡二十一節脊推法也靈樞五
色篇曰至脰為淫類經曰脰當音底尻臀之間
也又歲露篇曰衝氣之行風府日下一節二十
一日至尾底○素問氣府論曰足太陽脈氣所
發者俠脊以下至尻尾二十一節十五間各一
○素問骨空論曰灸寒熱之法灸掖骨以年為
壯數次註曰尾窮謂之掖骨胤按說文曰掖戈
也蓋象形也又說文曰掖臀骨也龍龕手鑑曰
掖臀骨也正从骨○甲乙經曰骹骨者尾屈也
○千金翼曰脫肛灸尾翠骨七壯胤按禮內則

舒雁翠註云翠尾肉也呂氏春秋本味篇曰肉之美者雉鱮之翠註云翠斂也故假為斂別名廣雅曰暉腎也幼幼新書引萬全方曰黃帝療小兒疳痢灸微翠骨上三寸骨陷間三壯尾微古通○千金翼曰活大人癩小兒驚癩法灸背第二推及下窮骨兩處又曰五痔便血失尿灸迴氣百壯在脊窮骨上又曰赤白下灸長強在窮脊骨下宛宛中神農鍼灸圖曰逐歲尻神十三在肩尻穹骨胤按窮穹通○外臺引崔氏灸痔法以繩當脊大椎骨中向下量至尾株骨尖

頭胤按爾雅釋獸曰尾本白騷註云尾株白也尾株即斂也說文曰株木根也亦象形也○靈寶畢法曰尾閣次之上共十八節其中曰雙閣幼幼新書引莊氏家傳曰大人小兒尾閣骨生瘡痒不可忍胤按莊子秋水篇曰尾閣泄之釋文司馬彪云尾閣泄海水出外者也斂骨下接毅道故義取此者乎○扁鵲人鏡經曰頤骨之盡處為頤尾○廣韻曰鼈鼈尻骨也陰尾骨尾蛆骨斂端之伏骨也甲乙經曰會陽在陰尾骨兩傍釋骨曰陰器之

後繞膈腸而綴骹端曰陰尾骨○洗冤錄曰尾
蛆骨如豬腰子仰在骨節下男子綴脊處凹兩
邊皆有光辨若稜角周布九竅婦人者其綴脊
處平直周布六竅胤按即陰尾骨也

扁骨腎骨之扁戾也

素問骨空論曰扁骨有湊理湊無髓孔易髓無
空次註曰扁骨謂尻間扁戾骨也其骨上有滲
灌文理歸湊之無別髓孔也易亦也骨有孔則
髓有孔骨若無孔髓亦無孔也扁鵲人鏡經曰
骹骨兩傍為扁骨釋骨曰骹骨之扁戾者曰扁

骨胤按扁骨腎骨之扁戾者非骹骨也吳崑張
介賓俱謂此對圓骨而言即脇肋諸骨之類也
恐不是矣

魄門肛門也

素問五藏別論曰魄門亦為五藏使水穀不得
久藏次註曰謂肛之門也內通於肺故曰魄門
四十四難曰大腸小腸會為闌門下極為魄門
胤按先君子曰魄粕通壯為傳送糟粕之門故
名莊子天道篇曰古人之糟魄已夫釋文司馬
彪曰爛食曰魄一云糟爛為魄又作粕據此玉

註為鑿○四十二難曰肛門重十二兩六八寸
徑二寸大半長二尺八寸受穀九升三合八分
合之一集註楊玄操云肛紅也言其處似車釘
形故曰肛門即廣腸也又名殖腸

纂陰間之縫道也

素問骨空論曰督脈者其絡循陰器合纂間繞
纂後又曰男子循莖下至纂與女子等次註曰
纂間在前陰後陰之間也類經曰纂交纂之義
謂兩便爭行之所即前後二陰之間也胤按先
子曰李時珍八脈考釋音曰纂初患切陰下縫

間也考甲乙經作纂為是說文曰纂似組而赤
字彙曰似組而赤黑色兩陰之間有一道縫處
其狀如組故謂之纂張以纂奪之義釋之非

此書... 卷之... 第... 頁... 此書... 卷之... 第... 頁... 此書... 卷之... 第... 頁... 此書... 卷之... 第... 頁... 此書... 卷之... 第... 頁...

